



Uvod u  
**Osnovne standarde  
učenja u Viktoriji**

Važne informacije za roditelje  
o novom pristupu učenju đaka  
i standardima u viktorijskim  
školama.



**O**snovni standardi učenja u Viktoriji omogućavaju novi pristup nastavnom programu u svim viktorijskim školama, od pripreme do desete godine. Standardi ističu ono što je đacima najvažnije naučiti i usavršiti tokom školovanja. Oni su napravljeni tako da potiču temeljito razumijevanje osnovnog znanja, sposobnosti i ponašanja. Standardi će se, osim toga, koristiti za planiranje učenja đaka, procjenu njihovog napretka i za sastavljanje izvještaja roditeljima.

Standardi su napravljeni nakon što je Viktorijska nastavno ispitna komisija (Victorian Curriculum and Assessment Authority-VCAA) obavila istraživanje u zemlji i inostranstvu. Obavljeni su razgovori sa nastavnicima u Viktoriji i konsultacije sa obrazovnim grupama i širom zajednicom, uključujući i grupe koje su predstavljale roditelje iz gradskih i ruralnih područja Viktorije. VCAA je u okviru ovih konsultacija primila preko 1000 odgovora i prijedloga.

## *Potreba za novim pristupom*

Ono što se očekuje od mladih osoba se stalno mijenja. Viktorija ima dobre škole, dobre programe i dobre nastavnike ali je važno stalno istraživati načine na koje đaci uče i šta im je potrebno da bi u tome bili uspješniji.

Cilj ovih standarda je parirati izazovima pripremanja mladih osoba za svijet u kojem se visoko cijeni znanje, svijet koji se stalno mijenja i u kojem su rad, društvo, zajednica i lični odnosi pod rastućim, složenim pritiscima.

Mladim osobama je potreban širok spektar znanja te društvenih, ličnih i intelektualnih sposobnosti, ukoliko žele biti uspješni. Standardi će omogućiti razvoj mladih osoba

kroz školovanje i pripremiti ih za završne godine u koje spadaju programi izborne nastave:

- Victorian Certificate of Education (VCE)
- Victorian Certificate of Applied Learning (VCAL)

U okviru programa VCA i VCAL, može se pohađati i program Vocational Education and Training (VET).

## *Šta se mijenja? Šta ostaje isto?*

Đaci će i ubuduće razvijati znanja i razumijevanje tradicionalnih predmeta kao što su engleski, nauka, matematika, humanistika, jezici i umjetnost. Ipak, sa novim pristupom, ovi tradicionalni predmeti će se više povezivati sa drugim ključnim oblastima razvoja fizičkih, ličnih i društvenih sposobnosti te primjenom tih znanja u stvarnosti. U okviru novog pristupa takođe su određeni standardi u oblastima kao što su izgradnja društvenih odnosa, razvoj intelektualnih sposobnosti i komunikacije.





## Tri oblasti učenja

Osnovni standardi učenja u Viktoriji su podijeljeni u tri oblasti ili područja. To su:

- poznavanje i razumijevanje ključnih predmeta: engleskog, nauke, matematike, humanistike, jezika i umjetnosti.
- fizičke, lične i društvene sposobnosti kao što su održavanje kondicije i zdravlja, razvoj samopouzdanja, organizovanje vlastitog učenja i rad sa drugima.
- ostale osnovne sposobnosti koje se primjenjuju kroz nastavni program kao što su rasuđivanje, dizajn, rješavanje problema, komuniciranje i korištenje informativne i komunikacijske tehnologije.

Sve ove oblasti su važne za razvoj jedne potpuno izgrađene, samouvjerene mlade osobe. One su obično, dio školskog iskustva mladih osoba ali nisu uvijek blisko povezane sa tradicionalnim predmetima. Njihovim povezivanjem im se ističe vrijednost i važnost kod đaka.

## Standardi izgrađeni vremenom

U Viktoriji godinama postoje nastavni i ispitni standardi u školama. Postoje jaka gledišta po kojima je program ponekad pretrpan onim što se predaje u školama. Novi standardi ostavljaju školama više vremena da se koncentrišu na različite prioritete, zavisno od dječijih godina i nivoa obrazovanja.

Novim standardima se određuje ono što đaci moraju znati i biti u stanju raditi tokom različitih etapa školovanja. Standardi su postepeno teži, kako se približavaju kraju desete godine.

U okviru novih standarda, u Ranim godinama (Pripremna do četvrte godine) će se i dalje isticati pismenost i račun. Kao dodatak tome, biti će pridavan veći značaj zdravlju, fizičkom obrazovanju i ličnom razvoju.

Kako đaci budu napredovali u školi, tako će se u njihov program uvoditi dodatni predmeti iz ove tri oblasti. To mogu biti nauka, informativna i komunikacijska tehnologija



te građanstvo i državljanstvo. Uporedo sa uvođenjem novih predmeta, nastavit će se sa isticanjem i poboljšanjem ključnih predmeta pismenosti i računa.

Do završetka osnovne škole, Osnovni standardi učenja u Viktoriji će izgraditi most za lakši prijelaz u srednju školu. Standardi pružaju đacima jake temelje za uspješniji prelazak iz osnovne u srednju školu. Nastavnici u osnovnim i srednjim školama će takođe, na osnovu zajedničkih temelja, nastaviti razgovarati o znanjima i izazovima svakog djeteta.

U srednjim školama, standardi će se i dalje izvlačiti iz tri oblasti i odražavati nastavne



potrebe đaka, u ovom periodu školovanja. Do devete i desete godine, standardi se prilagođavaju činjenici da đaci razvijaju veću nezavisnost u razmišljanju i interesima i traže dublju povezanost između onoga što uče i budućeg puta kojim će ići.

### *Kada će se ovo dogoditi?*

- Standardi će se postepeno uvesti u sve škole u Viktoriji, od januara 2006 a početi će sa engleskim i matematikom. U 2005 godini, sve škole će razmotriti novi način povezivanja učenja u svojim nastavnim programima i početi uvoditi promjene kako bi zasigurno pripremili programe za provođenje standarda.
- Kako se standardi budu postepeno uvodili, škole će istražiti principe učenja i predavanja i unaprijediti ocjenjivanje i školske svjedodžbe. VCAA i Ministarstvo obrazovanja i obuke će i dalje pružati informacije školama i roditeljima, za vrijeme uvođenja standarda.

### *Kako možete dobiti više informacija?*

- Posjetite internet stranicu <http://vels.vcaa.vic.edu.au>
- Pozovite VCAA na (03) 9651 4544 ili na 1800 134 197 (pozivi iz unutrašnjosti)
- Za informacije o Nacrtu za državne škole posjetite [www.sofweb.vic.edu.au/blueprint/](http://www.sofweb.vic.edu.au/blueprint/)
- Kontaktirajte školu vašag djeteta

### *Kako se možete uključiti?*

- Raspitajte se u školskom odboru ili kod upravitelja o tome šta škola poduzima kako bi podržala ovu važnu promjenu.
- Raspitajte se u školi šta će se promijeniti a šta će ostati isto, nakon uvođenja standarda.
- Prisustvujte informativnom sastanku u vezi Osnovnih standarda učenja u Viktoriji. Postavljajte pitanja, doprinosite.

Ovo je svima nama velika prilika da se fokusiramo na mlade osobe i njihovo učenje.

© VCAA 2005

Published by

VICTORIAN CURRICULUM AND ASSESSMENT AUTHORITY

41 St Andrews Place East Melbourne Victoria 3002 Australia

TELEPHONE +61 3 9651 4300 FACSIMILE +61 3 9651 4324

EMAIL [vcaa@edumail.vic.gov.au](mailto:vcaa@edumail.vic.gov.au)

WEB [www.vcaa.vic.edu.au](http://www.vcaa.vic.edu.au)

